

**Պ Ա Շ Տ Ո Ն Ա Կ Ա Ն Ը Ն Դ Դ Ի Մ Ա Խ Ո Ս Ի
Կ Ա Բ Ծ Ի Ք**

ԻԳ.00.02 «Քաղաքական ինստիտուտներ և գործընթացներ» մասնագիտությանը քաղաքական գիտությունների թեկնածուի գիտական աստիճանի հայցման համար Մհեր Արմոյի Շիրինյանի՝ «Հայաստանի Հանրապետության հավաքական անվտանգային գործակցության հիմնախնդիրները արդի ժամանակաշրջանում» թեմայով ատենախոսության վերաբերյալ:

Ընդհանուր ընկալմամբ՝ հավաքական անվտանգությունը հիմնված է այն գաղափարի վրա, որ անվտանգությունը բխում է բոլոր պետությունների շահերից, և անվտանգության դեմ ուղղված սպառնալիքներին դիմակայելու համար հաճախ պահանջվում է միասնական միջազգային արձագանք: Պետությունները համաձայնում են դիմակայել անվտանգության սպառնալիքներին և կիսել խաղաղության պահպանման կամ դրա պարտադրանքի ծախսերը:

Ինչպես համաշխարհային, այնպես էլ տարածաշրջանային մասշտաբով անվտանգության համակարգի ձևավորման ու պահպանման խնդիրը դարձել է ժամանակակից միջազգային հարաբերությունների կենտրոնական պրոբլեմներից մեկը և բազմաթիվ քննարկումների առարկա: Արդի գիտության ասպարեզում մշակվել է անվտանգության խնդիրների մասին բավականին զարգացած համակարգ: Այդուհանդերձ, այսօր հիմնական խնդիրների վերաբերյալ աշխարհայացքների խոր փոխակերպումները ակնհայտ կերպով վկայում են, որ դիտարկելի է մի շարք ավանդական դրույթների վերանայման անհրաժեշտություն:

Միջպետական հարաբերությունների կառուցվածքը հիմնովին փոխելու, ռազմական բռնությանը ուժերի և շահերի ձևոճառու հաշվեկշիռ հաստատելու նպատակով լայնածավալ գինված միջբլոկային հակամարտության սպառնալիքը փոխարինվում է այլ բնույթի խնդիրներով և մարտահրավերներով, որոնք շատ ավելի բազմազան են, պակաս ակնհայտ և կանխատեսելի, քան նախկինում:

Այս համատեքստում հարկ է փաստել, որ հրապարակային պաշտպանության ներկայացված աշխատանքը՝ նվիրված Հայաստանի Հանրապետության արտաքին քաղաքականության համատեքստում հավաքական գործակցության ձևաչափի ուսումնասիրությանը, արդիական է, քանի որ հաջողված փորձ է ՀՀ անվտանգային ու ռազմաքաղաքական զարգացումների համատեքստում ներկայացնել բազմակողմ համագործակցության հիմնատարրեր, դրանց վերաբերյալ տեսական ու կիրառական հիմնախնդիրները, գիտականորեն հիմնավորել որոշ ամփոփումներ և եզրահանգումներ:

Աշխատանքը բաղկացած է ներածությունից, երեք գլուխներից, եզրակացությունից և օգտագործված գրականության ցանկից: Ներածության մեջ հիմնավորված է թեմայի արդիականությունը, ձևակերպված է գիտական նորույթը, տրված են հիմնական նպատակներն ու խնդիրները, ուսումնասիրության մեթոդաբանությունը և թեմայի մշակվածության աստիճանը, ինչպես նաև վերլուծված է նրա տեսական և գործնական նշանակությունը:

Առաջին գլուխը վերնագրված է **«Հավաքական անվտանգության գործակցությունը միջազգային բազմակողմ հարաբերությունների համատեքստում»** և ներառում է երկու ենթագլուխ: Այս գլխում հեղինակը արդարացիորեն ընդգծում է, որ հավաքական անվտանգության մակարդակը, բացի միասնական պաշտպանության կառուցակարգից, մեծապես կախված է նաև լիբերալ ժողովրդավարությունից, այն է՝ հավաքական անվտանգության ոլորտում միասնությանը հաջորդում է ուժեղ տնտեսական համագործակցությունը տարածաշրջանի ներսում, օրենքի գերակայության մասով համատեղ ընկալումները և այլ կարևոր բաղադրիչներ: Այս գլխում Մ. Շիրինյանը կարևորում

է. այն, որ հավաքական գործակցության կողմնից յուրաքանչյուրը դրսևորում է իր ուժային դիրքի ամրապնդման հիմնական եղանակներ՝ սեփական ուժի արագացված զարգացում, սեփական ուժի ավելացում՝ դրան ավելացնելով այլ երկրների հզորությունը, և հավանական հակառակորդի հզորության թուլացում՝ խոչընդոտելով նրա հետ երրորդ երկրների միավորմանը:

Ատենախոսության երկրորդ՝ **«Հավաքական անվտանգության մոդելի սկզբնավորումը և հետագա զարգացումները Ազգերի լիգայի ու Միավորված ազգերի կազմակերպության ձևաչափում»** գլխում նշվում է, որ հավաքական անվտանգության առաջին ժամանակակից կազմակերպություն ստեղծելու փորձի մարմնավորումն է Ազգերի լիգան, որը կազմավորվել էր առաջին համաշխարհային պատերազմից հետո: Հետագայում արդեն ՄԱԿ-ի Կանոնադրությունը տարբերում է կոլեկտիվ անվտանգության ապահովման մի քանի հիմնական մեխանիզմներ՝ վճճերի խաղաղ կարգավորում (գլուխ VI), գործողություններ խաղաղության վտանգման, խաղաղության խախտման և ազդեցիկ առնչությամբ (գլուխ VII) և տարածաշրջանային համաձայնություններ (գլուխ VIII): Հավաքական անվտանգությունը, սկզբում ձևավորվելով որպես գուտ ռազմամարտավարական միջոցառումների համախումբ, թևակոխեց տեսական ու գործնական զարգացում, և նմանատիպ կազմակերպությունները բավական արագ վերածվեցին համախոհ պետությունների տարածաշրջանային պաշտպանական-անվտանգային կազմակերպությունների:

Երրորդ՝ **«Հայաստանի Հանրապետության ինտեգրվածությունը հավաքական անվտանգային գործակցության արդի կառուցակարգերին»** վերտառությամբ գլխում վերլուծվում են Հայաստանի Հանրապետության արտաքին քաղաքականության բազմակողմ ձևաչափում գործակցության կոնկրետ ուղղությունները, ինչպես նաև հետազոտվում է անվտանգության տվյալ հիմնախնդրի շրջանակներում խաղաղապահ առաքելություններին Հայաստանի մասնակցության նպատակայնությունը:

Միեր Ծիրինյանի կողմից պաշտպանության ներկայացված ատենախոսությունը, սակայն, գերծ չէ նաև որոշակի բացերից: Մասնավորապես.

1. Ատենախոսության մեջ «հավաքական անվտանգություն» և «հավաքական պաշտպանություն» հասկացությունները կիրառվում են հաճախ փոխարինելիորեն՝ առանց դրանց բովանդակային և գործառնական տարբերությունների համակարգված բացահայտման (ներածություն, գլուխ 1.1): Մինչդեռ քաղաքական գիտության և անվտանգության ուսումնասիրությունների դասական և ժամանակակից գրականության մեջ այս երկու կատեգորիաները տարբերվում են ինչպես իրենց նպատակադրությամբ, այնպես էլ ինստիտուցիոնալ տրամաբանությամբ: Հասկացությունների նման խառն կիրառումը հանգեցնում է տեսական շրջանակի որոշակի ապակոնցնպատուալացման, աշխատանքում միաժամանակ օգտագործվում են տարբեր վերլուծական մակարդակներ՝ առանց դրանց հստակ տարանջատման: Արդյունքում առաջանում է մեթոդաբանական որոշակի անորոշություն:
2. Ատենախոսության տեսական հատվածներում նկատվում է նորմատիվ մոտեցման գերակշռություն, ներկայացվում է, թե ինչպես պետք է գործի հավաքական անվտանգությունը՝ որպես իդեալական համակարգ, սակայն համեմատաբար քիչ ուշադրություն է դարձվում դրա իրական գործառնական սահմանափակումներին (գլուխ 1.1): Մասնավորապես, բավարար խորությամբ չեն ուսումնասիրվում այնպիսի հիմնարար կառուցակարգային խնդիրներ, ինչպիսիք են ուժերի անհավասար բաշխման պայմաններում հեղեմոնի դերակատարությունը, անդամ պետությունների շահերի անհամադրելիությունը՝ որպես համակարգի արդյունավետության

սահմանափակում: Այս հանգամանքը բերում է նրան, որ տեսական վերլուծությունը երբեմն մնում է ղեկարատիվ մակարդակում և չի վերածվում պատճառահետևանքային խորքային բացատրության:

3. Ատենախոսության մեջ բազմիցս շեշտվում է Հայաստանի Հանրապետության համար «բալանսավորված» կամ «բազմավեկտոր» արտաքին քաղաքականության անհրաժեշտությունը (գիտական նորույթ, կետ 7), սակայն այդ մոտեցումը չի ստանում բավարար տեսական հիմնավորում: Չի իրականացվում դրա համակարգային մոդելավորում, չեն հստակեցվում այն պայմանները, որոնց դեպքում բազմավեկտորությունը կարող է լինել արդյունավետ, չի բացահայտվում դրա կիրառելիության սահմանը փոքր պետությունների համար, չի քննարկվում այն վտանգը, որ բազմավեկտորությունը կարող է վերածվել ռազմավարական անորոշության կամ արտաքին կախվածությունների բազմապատկման: Արդյունքում տվյալ հայեցակարգը ներկայացվում է ավելի շատ որպես քաղաքական թեզ, քան գիտականորեն կառուցված և օպերացիոնալիզացված վերլուծական գործիք:
4. «Ատենախոսության գիտական նորույթ» բաժնի նույն 7-րդ կետում կարդում ենք. *“Այս համատեքստում կայունորիում է 2026 թվականի ընտրություններից հետո սպասվող սահմանադրական բարեփոխումներում անխտանցային հավաքական ձևաչափի արդյունավետ կուրսի ընտրությունն ու գարգացումը”*: Հարկ է հիշեցնել, որ սահմանադրական բարեփոխումները ՀՀ գործող իշխանությունների պաշտոնական օրակարգի մաս են կազմում: Ու թեև ՀՀ խորհրդարանական ընտրությունները տեղի են ունենալու 2026 թ. հունիսի 7-ին՝ ատենախոսության հրապարակային պաշտպանությունից ուղիղ մեկ ամիս անց, ատենախոսն առանց երկմտելու փաստացի խոսում է դրանց արդյունքների մասին՝ ոչ թե որպես հնարավոր սցենար, այլև անխուսափելի իրողություն: Նման մոտեցումն առավելապես քաղաքական ընույթ է կրում:
5. Չնայած ատենախոսության մեջ օգտագործված գրականության ծավալը տպավորիչ է (168 աղբյուր), դրանց որակական և կառուցվածքային վերլուծությունը ցույց է տալիս, որ աղբյուրագիտական բազայում առկա է որոշակի անհավասարակշռություն: Մասնավորապես, նկատվում է ռուսաստանյան և մասամբ պաշտոնական-դոկտրինալ աղբյուրների հարաբերական գերակշռություն, արևմտյան ժամանակակից տեսական դպրոցների (նեոռեալիզմ, նեոլիբերալ ինստիտուցիոնալիզմ, անվտանգության քննադատական ուսումնասիրություններ, նեոֆունկցիոնալիզմ, պոստպոզիտիվիզմ) սահմանափակ ներգրավվածություն, առաջնային աղբյուրների (policy papers, ռազմավարական փաստաթղթեր, think tank-երի վերլուծություններ) ոչ համակարգված օգտագործում: Միաժամանակ, ցանկալի կլիներ տարանջատել գիտական հրապարակումներն ու մամուլում տեղ գտած նյութերը, որոնք ատենախոսը ներկայացնում է ընդհանուր ցուցակով:

Վերոհիշյալ նկատառումները կհարստացնեն ատենախոսությունը՝ հնարավորություն տալով հեղինակին առավել խորր բացահայտելու Հայաստանի Հանրապետության հավաքական անվտանգության քաղաքականության բազմաշերտությունը և դրա երաշխավորման ու գարգացման հնարավորությունների ամբողջությունը:

Այդուհանդերձ, Մհեր Շիրինյանն իր առջև դրված խնդիրներն ու նպատակները կատարել է լիովին: Ատենախոսությունում առկա եզրակացություններն ու ամփոփումներն ունեն տեսական և գործնական նշանակություն: Հետագոտությունն ասքի է ընկնում գիտական

հիմնախնդիրների շարադրման հետևողականությամբ և տրամաբանական հաշորդականությամբ: Սեղմագիրը համապատասխանում է առենախոսության բովանդակությանը և հանդիսանում է նրա հիմնական դրույթների նույնական արտացոլումը: Առենախոսի կողմից հրապարակված թվով վեց գիտական հոդվածներում արտացոլված են առենախոսության հիմնական դրույթները:

Արդգրյալի հիման վրա, ինչպես նաև հաշվի առնելով թեմայի արդիականությունն ու բարձրացված հիմնախնդիրների վերաբերյալ կատարված ծավալուն աշխատանքները և վերջնարդյունք եզրահանգումները՝ գտնում են, որ **Մհեր Արմոյի Ճիրինյանի՝ «Հայաստանի Հանրապետության հավաքական անվտանգային գործակցության հիմնախնդիրները արդի ժամանակաշրջանում» թեմայով առենախոսությունը լիովին բավարարում է նմանատիպ աշխատանքներին ներկայացվող պահանջներին**, իսկ հեղինակն էլ արժանի է հայցվող մասնագիտությամբ քաղաքական գիտությունների թեկնածուի գիտական աստիճանի շնորհմանը:

Պաշտոնական ընդդիմախոս՝

Ռուս-հայկական համալսարանի Կ.Ա. Միրունյանի անվան

Քաղաքագիտության ամբիոնի պրոֆեսոր, քաղաքական

գիտությունների դոկտոր, պրոֆեսոր

Վահե Սամվելի Դավթյան

Պաշտոնական ընդդիմախոսի (պրոֆեսոր Վահե Դավթյանի) ստորագրության իսկությունը հաստատում են՝

**Ռուս-հայկական համալսարանի գիտական քարտուղար,
բանասիրական գիտությունների թեկնածու Ռ. Կասաբաբովա**

(կազմակերպության գիտ. քարտուղար)

